



## UPRAVA POLICIJE

Broj: 05-04/06-11-499/25/DG

Dana: 23.04.2025. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama BiH („Službeni glasnik BiH“, broj: 39/14, 59/22 i 50/24), Preporuke o izboru najpovoljnijeg ponuđača Komisije za javne nabavke Uprave policije MUP USK-a broj: 05-04/01-1-11-499/25 od 15.04.2025. godine, a na osnovu člana 26. i člana 27. stav (3) Zakona o unutrašnjim poslovima Unsko - sanskog kantona („Službeni glasnik USK - a“, broj: 13/16, 16/17 i 8/24) te Pravilnika o javnim nabavkama MUP USK-a i Uprave policije MUP USK - a („Službeni glasnik USK-a“, broj: 09/23) u postupku javne nabavke roba – mobilni radari za evidentiranje brzine kretanja vozila u saobraćaju, direktor Uprave policije MUP USK-a d o n o s i:

### ODLUKU o izboru najpovoljnijeg ponuđača

#### Član 1.

Prihvata se Preporuka Komisije za javne nabavke broj: 05-04/01-1-11-499/25 od 15.04.2025. godine i Ugovor za javnu nabavku roba – mobilni radari za evidentiranje brzine kretanja vozila u saobraćaju za potrebe Uprave policije MUP USK - a dodjeljuje se ponuđaču „**MIBO KOMUNIKACIJE**“ d.o.o. **Sarajevo**, za ponuđenu ukupnu cijenu u iznosu od **84.360,00 KM** (osamdesetčetirihiljadetrístotinešezdeset i 00/100 KM) bez PDV-a, odnosno **98.701,20 KM** (devedesetosamhiljadasedamstojedna i 20/100 KM) sa uračunatim PDV-om, na osnovu kriterija za dodjelu ugovora „najniža cijena“.

#### Član 2.

Izabrani ponuđač je dužan da u roku od 5 (pet) dana od dana prijema ove Odluke dostavi originale ili ovjerene kopije dokumenata iz člana 45. Zakona o javnim nabavkama. Ova obaveza se ne odnosi na ponuđača koji je ovjerene/originalne dokumente iz člana 45. Zakona o javnim nabavkama dostavio u sastavu svoje ponude.

#### Član 3.

Po pravosnažnosti ove Odluke, Ugovorni organ će sa izabranim ponuđačem zaključiti Ugovor kojim će se regulisati međusobna prava i obaveze vezano za predmetnu nabavku shodno uslovima Ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

#### Član 4.

Za izvršenje ove Odluke zadužuje se i ovlašćuje Sektor za materijalno – finansijske poslove i informacijsko – komunikacijske tehnologije Uprave policije MUP USK-a, Odsjek za materijalno opremanje i komercijalne poslove.

## Član 5.

Ova Odluka će biti objavljena na web – stranici Ugovornog organa uz istovremeno upućivanje ponuđaču koji je učestvovao u postupku javne nabavke, shodno članu 70. stav (2) i stav (6) Zakona o javnim nabavkama BiH.

### *O b r a z l o ž e n j e*

Postupak javne nabavke pokrenut je Odlukom o pokretanju postupka javne nabavke broj: 05-04/06-11-499/25/DG od 14.03.2025. godine.

Javna nabavka je provedena putem otvorenog postupka.

Procijenjena vrijednost javne nabavke bez uračunatog PDV-a iznosi 85.000,00 KM. Nabavka nije podijeljena na lotove.

Obavještenje o nabavci broj: 20936-1-1-19-3-34/25 objavljeno je dana 24.03.2025. godine na Portalu javnih nabavki. Krajnji rok za prijem ponuda bio je 15.03.2025. godine do 09,00 sati.

Komisija za javne nabavke Uprave policije MUP USK-a imenovana je Rješenjem broj: 05-04/04-2-11-585/22 od 06.06.2023.godine, od 29.04.2024. godine, od 22.07.2024. godine, od 16.09.2024. godine i od 17.02.2025. godine.

Komisija za javne nabavke dostavila je Odsjeku za materijalno opremanje i komercijalne poslove Zapisnik sa otvaranja ponuda od 15.03.2025. godine, Zapisnik o ocjeni ponuda broj: 05-04/01-1-11-499/25 od 15.04.2025. godine i Preporuku o izboru najpovoljnijeg ponuđača broj: 05-04/01-1-11-499/25 od 15.04.2025. godine u postupku javne nabavke roba – mobilni radari za evidentiranje brzine kretanja vozila u saobraćaju za potrebe Uprave policije MUP USK-a.

U postupku po Zapisniku o pregledu i ocjeni ponuda je utvrđeno da je Komisija za nabavke blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena 1 ponuda,
- da je blagovremeno primljena 1,
- da nije bilo neblagovremeno primljenih ponuda,
- da je ponuda ponuđača „MIBO KOMUNIKACIJE“ d.o.o. Sarajevo prihvatljiva.

Dalji postupak Komisija je provela u dvije faze:

- u prvoj fazi obavljena je provjera kvalifikacija ponuđača, prema uslovima i kriterijima utvrđenim u tenderskoj dokumentaciji,
- u drugoj fazi date su preporuke Ugovornom organu za dalje postupanje u ovom predmetu.

Komisija je izvršila kvalifikovanost ponuđača i ocjenu ponuda u skladu sa kriterijem iz tenderske dokumentacije: Najniža cijena.

Komisija je konstatovala da je u konkretnom postupku javne nabavke pristigla samo jedna ponuda, i to ponuda ponuđača „MIBO KOMUNIKACIJE“ d.o.o. Sarajevo.

Uvidom u dostavljenu ponudu i dokumentaciju ponuđača „MIBO KOMUNIKACIJE“ d.o.o. Sarajevo, Komisija je konstatovala da ponuda ovog ponuđača ispunjava sve uslove koji su traženi tenderskom dokumentacijom, pa je ponuda ovog ponuđača ocjenjena prihvatljivom.

E – aukcija nije zakazivana obzirom da je dostavljena samo jedna ponuda.



Podaci o ponuđaču čija je ponuda ocijenjena kao najpovoljnija:

1.	Naziv ponuđača	<b>“MIBO KOMUNIKACIJE” d.o.o.</b>
2.	Sjedište i adresa	<b>Tvornička 3 71210 Ilidža - Sarajevo</b>
3.	Ukupna cijena ponude bez PDV-a	<b>84.360,00</b>

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav (1) tačka b) (najniža cijena), člana 25., te člana 70. stavovi (1), (3) i (6) Zakona o javnim nabavkama Bosne i Hercegovine (“Službeni glasnik BiH”, broj: 39/14, 59/22 i 50/24), člana 26. i člana 27. stav (3) Zakona o unutrašnjim poslovima Unsko - sanskog kantona (“Službeni glasnik USK-a”, broj: 13/16, 16/17 i 8/24), te Pravilnika o javnim nabavkama MUP USK-a i Uprave policije MUP USK-a („Službeni glasnik USK-a“, broj: 09/23) odlučeno je kao u dispozitivu ove Odluke.

#### POUKA O PRAVNOM LIJEKU

Protiv ove Odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi BiH putem Ugovornog organa u pisanoj formi, direktno ili elektronskim putem ili preporučenom poštanskom pošiljkom na adresu Ugovornog organa.

Dostavljeno:

1. Ponuđaču „MIBO KOMUNIKACIJE“ d.o.o. Sarajevo, putem e-maila: [prodaja@mibo.ba](mailto:prodaja@mibo.ba),
2. Sektor za mat. fin. poslove i IKT-za objavu,
3. a/a



502. Viteške brigade br.2, 77000 Bihać, BiH, Tel: +387/37/224 224, Fax: +387/37/ 221-560  
Web: [www.mupusk.gov.ba](http://www.mupusk.gov.ba), e-mail: [mupusk@mupusk.gov.ba](mailto:mupusk@mupusk.gov.ba), [mat-fin-ikt@mupusk.gov.ba](mailto:mat-fin-ikt@mupusk.gov.ba)